



**S**anctus Alfridus magna pietate & eruditione fuit insignis. Itaque cum Hildesheimensis ecclesia uacaret, quartus eius loci Episcopus omnium consensu electus fuit. In eo officio docendo & instituendo eam diligentiam praestitit, ut omnibus admirationi esset. ea etiam quae docebat ipse primus praestabat. Is templum illud cathedrale a fundamentis extruere coepit, & uiginti sex annis perfecit. Canonicis etiam habitationem aedificauit, atque eos unam habitare, tamquam in publica schola iussit, ut sese inuicem ad pietatem hortarentur, atque omnibus alijs exemplo essent. Unde ea disciplina ab Alfrido inchoata, postea per multos an-

nos in eo collegio permansit. Itaque S. Henricus dicere erat solitus, sese ex animo optare, ut sua ecclesia (quam Bambergae fundarat) mores Hildesheimensium Canonicorum imitaretur. Cum autem Alfridus circa Coloniam natus & educatus esset, ibidem Esse monasterium aedificauit, atque in sua ditione aliud Asuede dictum. Cum hoc modo per triginta annos magna laude suae Ecclesiae praefuisset, tandem anno 876 uitam cum morte commutauit, atque in Asuede sepultus quiescit. Vbi etiam postea canonizatus, & in sanctorum numerum relatus fuit. Anon. Crantz.